

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 48 del 12/01/2023**

**Traduzione in ladino**

## **Ospedèl de Fiem. Troà fora la vida per se cordèr**

**L davegnir del Ospedèl de Fiem l vegnarà dezedù dessema da duc i teritories che à enteres, tras l coordinament de la Provinzia. Do che en lunesc ai 9 de jené te na scontrèda anter l goernador Maurizio Fugatti, l president de la Comunità de Val, Giovanni Zanon e duc i ombolc del raion, l è stat troà fora la vida de tor su la dezijions, se pel scomenzèr a lurèr.**

**Se scomenza jà ai 30 de jené co na scontrèda che tol ite Fiem, Fascia e Cembra a chela che vegnarà envià duc i conseieres di comuns che tol pèrt ai projec.**

**Sobito do vegnarà endrezà de outra scontrèdes publiches, chest'outa olache podarà tor pèrt duta la comunanza.**

“N confront avert a duc – i conferma Fugatti e Zanon – senza dezijions comanèdes, tel respet di besegnes e de la sensibilitèdes de la vals”.

“Te la scontrèda de chesta sera – disc apede l president Fugatti – é defat rebadii ai aministradores che la Jonta l à metù a la leta tel bilanz la ressorses tant per fèr su n nef fabricat che per restruturèr e adatèr l fabricat en esser, se i teritories i cernessa fora chesta opzion”.

Situazions donca amò da descorer fora te la scontrèdes publiches de la setemènes che vegn olache vegnarà analisà i argomenc a favor e de contra de duta does la ipoteses de projet, a cheles che tolarà pèrt – e chesta l é stat na condizion chièra domanèda dai ombolc – la Jonta provinzièla, vèlch tecnich de la Provinzia e de l'Azienda provinzièla per i servijes sanitères.

**Traduzion di Servijes Linguistics e Culturèi del Comun General de Fascia**

(cdt)